



LAPORAN LIPUTAN MEDIA
JABATAN PERIKANAN MALAYSIA

TARIKH : 18 JUN 2025 | 21 ZULHIJJA 1446 H
HARI : RABU

BIL.	AGENSI MEDIA	TAJUK
1.	Sinar Harian	Sungai Juru tercemar, ternakan kerang terjejas

Ringkasan Eksekutif

Pada 18 JUN 2025, sebanyak 1 liputan media berkaitan Jabatan Perikanan Malaysia telah diterbitkan. Daripada jumlah tersebut, 0 liputan bersifat positif, 0 bersifat neutral, dan 1 liputan negatif direkodkan.

Disediakan oleh :

Unit Komunikasi Korporat
Jabatan Perikanan Malaysia

1.	Tajuk	Sungai Juru tercemar, ternakan kerang terjejas
	Akhbar/Media	Sinar Harian
	Muka surat/capaian	19
	Kategori Liputan	Negatif

NELAYAN Kampung Kuala Juru, Pulau Pinang kini tersepi apabila kawasan ternakan kerang yang diusahakan sejak lebih dua dekad lalu terjejas teruk akibat lambakan rumpai air jenis keladi bunting yang memenuhi permukaan Sungai Juru sejak beberapa bulan lalu.

Bagi mereka, kemunculan pokok kemeling itu bukan sekadar gangguan biasa, malah menjadi mimpi ngeri yang mengancam hasil laut, merosakkan bot dan menyekat laluan sungai, sekali gus memusnahkan sumber rezeki yang menjadi nadi kehidupan penduduk setempat.

Selain itu, nelayan turut berdepan dengan pencemaran sungai yang dipenuhi sampah sarap, khususnya sisa plastik, yang turut memberi kesan kepada kualiti air dan ekosistem sungai.

Ikuti laporan wartawan *Sinar Harian*, SYAJARATULHUDA MOHAMAD ROSLI yang menyingkap penderitaan nelayan di sebalik krisis alam sekitar yang semakin meruncing ini.

Sungai Juru tercemar, ternakan kerang terjejas

SH, MS19

dan membesar secara pesat.

Keadaan itu bukan sesuatu yang boleh dipandang ringan kerana kawasan ternakan kerang berkenaan, yang diusahakan oleh Persatuan Nelayan Kampung Kuala Juru sejak lebih dua dekad lalu, menjana pendapatan sehingga RM150,000 sebulan kepada komuniti nelayan di kawasan tersebut.

Ketua Nelayan Kampung Kuala Juru, Wahid Othman, 57, berkata, perubahan ketara aliran air sungai dan peningkatan rumpai air menyebabkan kerang lebih mudah mati sebelum mencapai tempoh matang.

"Kami temak kerang ini dalam masa setahun, beruloh boleh dituai dan dijual. Tetapi sejak beberapa bulan lalu, kami terpaksa tukar kawasan ternakan disebabkan pokok kemeling yang sangat banyak.

"Kami risau kandungan ammonia dalam air makin tinggi dan boleh menyebabkan kerang mati sebelum matang," katanya ketika ditemui pada Selasa.

Tambahnya lagi, kawasan tebing dan hilir sungai yang dahulunya sesuai untuk ternakan kini diliputi sepenuhnya oleh tumbuhan air itu, sekali gus menyukarkan kerja pemantauan dan pemberihan kawasan ternakan.

"Selain menjejaskan kerang, kehadiran pokok kemeling juga menimbulkan masalah kepada operasi harian nelayan. Bot tersangkut, jaring koyak dan enjin rosak menjadi keluhan biasa sejak beberapa



Perubahan ketara kualiti air menyebabkan kerang lebih mudah mati sebelum mencapai tempoh matang.



Sisa buangan plastik dari Sungai Rambai yang kemudian mengalir ke Sungai Juru dan terus ke laut berhampiran.

rapa minggu kebelakangan ini.

"Situasi ini semakin membimbangkan kerana iaitu kalau masuk bot turut terjejas, terutama ketika air surut.

"Sungai ini bila air surut jadi sempit, bila ada pokok kemeling yang banyak, bot nelayan tersangkut. Tangkol, pukut semua rosak. Kalau enjin tersangkut, boleh rosak dan kena baiki, semua itu kos," katanya.

Beliau menambah, kebanyakan nelayan bergantung sepenuhnya kepada hasil kerang sebagai sumber pendapatan utama dan jika masalah itu dibiarkan berlarutan, ia akan menyebabkan kerugian besar dan kehilangan hasil usaha selama setahun.

Tambah Wahid lagi, pencemaran sungai itu bukan sahaja berpunca daripada rumpai air, malah turut disebabkan sisa buangan plastik dari Sungai Rambai yang kemudian mengalir ke Sungai Juru dan seterusnya ke laut berhampiran.

"Masalah ini bukan perkara baharu. Aduan telah dibuat kepada pihak berwajib, namun sehingga kini tiada tindakan berkesan diambil.

"Kami kecewa kerana aduan yang dibuat selama ini tidak dipandang serius walaupun impaknya besar kepada pendapatan kami. Keadaan ini dikhuatiri akan bertambah buruk sekiranya tiada tindakan segera diambil.

"Kami bimbang kerang yang ditemak akan mati sekiranya sisa plastik dan rumpai terus mendap di kawasan ternakan. Ini bukan sahaja menyebabkan kerugian besar, malah menjejaskan keseluruhan industri ternakan kerang di sini," katanya.

Beliau menambah, pokok kemeling berpotensi mencetuskan pelbagai masalah lain kepada alam sekitar termasuk mengubah komposisi oksigen dalam air, menyekat cahaya matahari dan menyebabkan pertumbuhan bakteria berbahaya.

TERNAKAN kerang seluas 8.9 hektar yang menjadi sumber rezeki utama nelayan di Kampung Kuala Juru kini berdepan ancaman serius akibat lambakan rumpai air jenis keladi bunting atau pokok kemeling yang memenuhi permukaan Sungai Juru sejak beberapa bulan lalu.

Lambakan rumpai tersebut bukan sahaja mencemarkan pemandangan dan menjejaskan ekosistem sungai, malah mengganggu pertumbuhan benih kerang yang memerlukan air bersih untuk hidup.



WAHID



Lambakan rumpai air jenis keladi bunting atau pokok kemeling memenuhi permukaan Sungai Juru sejak beberapa bulan lalu.

RINGKASAN :

Ternakan kerang seluas 8.9 hektar yang menjadi sumber rezeki utama nelayan di Kampung Kuala Juru kini berdepan ancaman serius akibat lambakan rumpai air jenis keladi bunting atau kemeling yang memenuhi permukaan Sungai Juru sejak beberapa bulan lalu. Lambakan rumpai tersebut akan menjejaskan ekosistem sungai dan juga mengganggu pertumbuhan benih kerang.